

**Broj: UP1-06-13-1-100-9/21**  
**Mostar, 26.08.2021. godine**

Na osnovu člana 17., člana 18., člana 19. stav (1) i člana 21. Zakona o naftnim derivatima u Federaciji Bosne i Hercegovine („Službene novine Federacije BiH“ broj 52/14), člana 200. Zakona o upravnom postupku („Službene novine Federacije BiH“ broj 2/98 i 48/99), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14, 31/16 i 84/19), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16) i člana 18. stav (1) tačka a) i stav (2) Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede („Službene novine Federacije BiH“ broj 15/16), postupajući po Zahtjevu za obnovu dozvole za rad (licence) za transport naftnih derivata drumskim saobraćajem broj UP1-06-13-1-100-1/21 od 30.04.2021. godine, podnosioca zahtjeva „HOLDINA“ d.o.o. Sarajevo, ul. Azize Šaćirbegović br. 4-b, Sarajevo, Novo Sarajevo, zastupanog po zakonskom zastupniku Slavku Siću, Regulatorna komisija za energiju u Federaciji Bosne i Hercegovine – FERK je 26.08.2021. godine na XVII redovnoj sjednici donijela sljedeće

## **RJEŠENJE**

1. Odbija se Zahtjev za obnovu dozvole za rad (licence) za transport naftnih derivata drumskim saobraćajem podnosioca „HOLDINA“ d.o.o. Sarajevo broj UP1-06-13-1-100-1/21 od 30.04.2021. godine.
2. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

## **Obrazloženje**

Dana 30.04.2021. godine FERK je pod brojem UP1-06-13-1-100-1/21 primio Zahtjev za obnovu dozvole za rad (licence) za transport naftnih derivata drumskim saobraćajem podnosioca zahtjeva „HOLDINA“ d.o.o. Sarajevo.

Postupajući po odredbi člana 9. Pravilnika o javnim raspravama i rješavanju zahtjeva, sporova i žalbi, primljeni zahtjev je pregledan u skladu sa članom 12., članom 19. i članom 22. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede. Nakon pregleda primljenog zahtjeva, a postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi i članom 12. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, FERK je podnosiocu zahtjeva 26.05.2021. godine uputio Obavještenje o nedostacima podnesenog Zahtjeva za obnovu dozvole za rad (licence) za transport naftnih derivata drumskim saobraćajem pod brojem UP1-06-13-1-100-2/21, te ga istovremeno uputio na odredbe člana 9. stav (3) i stav (6), člana 12. stav (1), člana 19. i člana 22. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede. Naime, članom 9. stav (3) navedenog pravilnika propisano je da popunjen obrazac zahtjeva za izdavanje dozvole za rad (licenci) sa potpunom pratećom dokumentacijom treba biti ovjeren i potpisan od podnosioca, odnosno njegovog

zakonskog zastupnika ili ovlaštenog opunomoćenika, dok je stavom (6) istog člana propisano da se prateća dokumentacija prilaže u originalu ili ovjerenj kopiji, s tim da ne smije biti starija od 60 dana. Članom 12. stav (1) Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede propisano je da je zahtjev potpun kada su uz zahtjev podneseni svi traženi dokumenti i uplaćena jednokratna naknada za obradu zahtjeva, dok su članom 19. navedenog pravilnika taksativno navedeni potrebni dokumenti koji se obavezno prilažu uz zahtjeve za izdavanje dozvola za rad (licenci) za obavljanje energetske djelatnosti, a članom 22. istog pravilnika propisani i dodatni dokumenti koji se obavezno prilažu uz zahtjev za izdavanje dozvole za rad (licence) za transport naftnih derivata drumskim saobraćajem. FERK je podnosiocu zahtjeva odredio rok od osam dana radi otklanjanja uočenih nedostataka navedenih u obavještenju, te je upozoren da u slučaju da ne otkloni nedostatke u datom roku FERK će smatrati da zahtjev nije ni podnesen.

Postupajući po navedenom obavještenju, podnosilac zahtjeva je u FERK 07.06.2021. godine dostavio dio tražene dokumentacije primljene u FERK pod brojem UP1-06-13-1-100-3/21. FERK je u cilju upotpunjavanja zahtjeva 14.06.2021. godine pod brojem UP1-06-13-1-100-4/21 podnosiocu uputio Zahtjev za informacijama. Navedenim zahtjevom podnosilac je upućen da u skladu sa članom 13. Pravilnika o javnim raspravama i rješavanju zahtjeva, sporova i žalbi zahtjev treba dopuniti sa dokazima propisanim članovima 19. i 22. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede.

Postupajući po navedenom Zahtjevu za informacijama, podnosilac zahtjeva je dostavio dopis primljen u FERK 14.06.2021. godine pod brojem UP1-06-13-1-100-5/21, dopis primljen u FERK 24.06.2021. godine pod brojem UP1-06-13-1-100-6/21, dopis primljen u FERK 25.06.2021. godine pod brojem UP1-06-13-1-100-7/21 i dopis primljen u FERK 16.08.2021. godine pod brojem UP1-06-13-1-100-8/21, uz koje je dostavio traženu dokumentaciju.

U Zahtjevu za obnovu dozvole za rad (licence) za transport naftnih derivata drumskim saobraćajem broj UP1-06-13-1-100-1/21 od 30.04.2021. godine, podnosilac zahtjeva je naveo da raspolaže jednom transportnom jedinicom registarskih oznaka M73-O-266. U okviru dostavljene dokumentacije uz taj Zahtjev, podnosilac zahtjeva je za transportnu jedinicu registarskih oznaka M73-O-266 dostavio Potvrdu o vlasništvu vozila, Certifikat o ispravnosti vozila za prevoz određenih opasnih materija, koji vrijedi od 27.03.2022. godine i Potvrdu o rezultatima certificiranja drumskih vozila od 27.03.2021. godine.

Uvidom u Potvrdu o vlasništvu vozila utvrđeno je da je vlasnik transportne jedinice registarskih oznaka M73-O-266 podnosilac zahtjeva, a uvidom u Certifikat o ispravnosti vozila za prevoz određenih opasnih materija, utvrđeno je da se istom transportnom jedinicom smiju prevoziti samo sljedeće materije: KLASA 2/UN1011 (BUTAN); UN1978 (PROPAN); UN1965 (MJEŠAVINA TEKUĆEG PLINA KAO A, A01, A02, A0, A1, B1, B2, B, C).

Obzirom na navedeno, jasno je da je podnosilac zahtjeva dostavio dokaze da raspolaže jednom transportnom jedinicom, registarskih oznaka M73-O-266, ali i da se radi o **transportnoj jedinici, koja služi za transport LPG-a.**

Članom 2. tačka z) Zakona o naftnim derivatima u Federaciji Bosne i Hercegovine transport naftnih derivata definisan je kao energetska djelatnost transporta naftnih derivata drumskim ili željezničkim saobraćajem, dok je tačkom r) istog člana **trgovanje LPG-om** definisano kao uvoz, **transport**, skladištenje, trgovina na veliko, punjenje i prodaja **LPG-a** u bocama. S tim u vezi članom 9. istog zakona propisano je da su energetske djelatnosti u sektoru naftne privrede, između ostalih, transport naftnih derivata drumskim ili željezničkim saobraćajem i trgovanje LPG-om, te je članom 11. stav (1) Zakona propisano da za obavljanje navedenih energetske djelatnosti,

energetski subjekat mora posjedovati dozvolu za rad (licencu). Članom 19. stav (1) Zakona propisano je da dozvolu za rad (licencu) daje FERK.

Dalje, članom 21. tačka b) Zakona o naftnim derivatima u Federaciji Bosne i Hercegovine propisano je da se dozvola za rad (licenca) može izdati pravnom licu koje raspolaže postrojenjima, uređajima i opremom, ispunjava tehničke, sigurnosne, ekološke i druge uslove iz ovog zakona. S tim u vezi članom 25. tačka d) Pravilnika o izdavanju dozvola za rad (licenci) za obavljanje energetskih djelatnosti iz sektora naftne privrede propisano je da se dozvola za rad (licenca) za obavljanje energetskih djelatnosti iz sektora naftne privrede izdaje podnosiocu zahtjeva koji dokaže da raspolaže objektima, postrojenjima, uređajima, opremom i/ili **transportnim jedinicama potrebnim za obavljanje licencirane djelatnosti**.

Obzirom na navedene odredbe, te imajući u vidu da je na osnovu dostavljene dokumentacije utvrđeno da podnosilac zahtjeva **ne raspolaže transportnom jedinicom za transport naftnih derivata (osim LPG-a) drumskim saobraćajem, nego samo transportnom jedinicom za transport LPG-a**, utvrđeno je da podnosilac zahtjeva nije ispunio uslov iz člana 21. tačka b) Zakona o naftnim derivatima u Federaciji Bosne i Hercegovine, odnosno člana 25. tačka d) Pravilnika o izdavanju dozvola za rad (licenci) za obavljanje energetskih djelatnosti iz sektora naftne privrede. Naime, kako podnosilac zahtjeva raspolaže samo jednom transportnom jedinicom za transport LPG-a, isti je već ishodovao za tu transportnu jedinicu Dozvolu za rad (licencu) za trgovanje LPG-om broj UP1-06-13-1-126-1/21 od 15.07.2021. godine, budući da **trgovanje LPG-om** znači uvoz, **transport**, skladištenje, trgovina na veliko, punjenje i prodaja **LPG-a** u bocama.

Obzirom na navedeno, a kako podnosilac Zahtjeva za obnovu dozvole za rad (licence) za transport naftnih derivata drumskim saobraćajem broj UP1-06-13-1-100-1/21 od 30.04.2021. godine nije dokazao ispunjavanje kriterija propisanih članom 21. Zakona o naftnim derivatima u Federaciji Bosne i Hercegovine, odnosno članom 25. Pravilnika o izdavanju dozvola za rad (licenci) za obavljanje energetskih djelatnosti iz sektora naftne privrede, u skladu sa članom 200. Zakona o upravnom postupku i članom 18. stav (1) tačka a) Pravilnika o izdavanju dozvola za rad (licenci) za obavljanje energetskih djelatnosti iz sektora naftne privrede, odlučeno je kao u dispozitivu ovog rješenja.

#### **POUKA O PRAVNOM LIJEKU:**

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana primanja rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

**PREDSJEDNIK FERK-a**  
**Jasmin Bešo**

#### **DOSTAVITI:**

- „HOLDINA“ d.o.o. Sarajevo
- Federalnom ministarstvu energije, rudarstva i industrije
- Federalnom ministarstvu trgovine
- Federalnoj upravi za inspeksijske poslove
- Sektoru za tehničke poslove i licence